



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

II. Ad eum Lutherus se confert.

urn:nbn:de:hbz:466:1-10880

therum noluerit audire. Cum igitur coronatus in Imp. Romanum Carolus Hispaniatum Rex, iuuenis non minus generosus quam Christianus & Catholicus, ex inferiore Germania, vbi tunc erat, in Germaniam superiore proficisci, nouum hunc Prophetam audire, eiusque infaniam, quæ magnum malum Christianæ Reipublicæ minabatur, compescere statuisset, à Pontifice, qui in hunc finem Hieronymum Aleandrum ad eum ablegarat, principiū incitatus Comitia VVormariam indicta fuerunt ad seq. Anni initium futura Circa id tempus Lutherus librum suum De Ecclesiæ Reformatione, eidem Imperatori dedicarat, in quo valde schumiliat, & S. Athanasij exemplo, ad pedes ipsius tamquam ad aram & asylum se prosternit, per omnia sacra obsecrans, ut vim inimicorum, qui persequi ipsum non cessarent, omnesque conatus ad extingendum una cum ipso Euangelium dirigerent, à se depelet. Sic ille loquebatur, sic scribebat: tum omnes contentiones quæ inter Pontifices & Imperatores olim intercesserant, ac præcipue de Neapolis & Sicilia regno, velut è sepulchro rursus protrahebati; iuuenem hunc Principem vehementer exhortatus, ut ne auctoritatem suam eripi sibi ac pedibus conculcari patet, ut qui non minus iuris & imperij in clericos quam reliquos haberet, quos illi male Laicos appellarent: quum per Baptismum consecrati omnes & sacerdotes facti sumus. Hoc modo Lutherus in bonam Caroli gratiam & fauorem insinuare se studebat: utque ijs quæ scriperat, pietatis, devotionis & sanctitatis opinionem conciliaret, omnium paginatum frontispicijs Iesu nomen præfigebat; iterum uincillad spectans ut Imperatorem cum Papa committeret, quod effectum se non semel iactarat, eo præcipue consilus, quod Imperatorem alienior esse à Leone animo speraret, ut qui eius electioni quantum poterat obstitisset. Quæ tamen spes valde illum fecellit: quod Religiosus hic Princeps suas iniurias insuper haberet, ut quo Deo illatas vindicaret. Lutheruſ iā ante non leue terorem incusserat, quod Imperator in omni ditione sua Belgica libros ipsius cremari iussicerat: quod etiam in quibusdam ciuitatibus Imperialibus, ut Colonia ac Moguntia, factum fuit. Porro Fridericus Saxoniæ Dux vbi accepit Imperatorem VVormatiam proficisci, magnis itineribus & ipse eodem contendit, ut primus Imperatorem salutaret, ac in meliorem de Lutheruſ sententiam adduceret, quæ sanctæ vita atque doctrinæ hominem esse asseverabat. Econtra Hieronymus Aleander Pontificis

Legatus, xl. articulos è Lutheri libris excerptos, & hæreses iam olim à Concilijs damnatos, in frequentissimo Principum ac Statuum Imperij confessu, recitauit: atque hoc effecit ut alter alterum intueri, & contra Lutherum eiusque fautores murmurare inciperent. Quod vbi sensit Dux Fridericus, declinanda inuidia causa dixit, Eos articulos non esse Lutheri, sed in eius odium ab aduersarijs confititi; neque librum illum De captiuitate Babylonica ex Lutheri officina prodisse, sed suppeditatum esse. Ex aduerso Aleandro ipsissimos hos Lutheri esse factus afferente, ac re ad alterationem delapsa, visum fuit Imperatori ac Principibus, Lutherum ipsum accersendum esse, ne inauditum se damnatum esse quæri posset. Lutherus accepto celeriter eius rei nuncio pelli suæ ante omnia consultum voluit, eoque salvum conductum non Imperatoris tantum, sed Imperij quoque Principum manu signatum pettit. Annon vero digna hæc ecclitii ad perditam restauram Christianam fidem, misio Prophetæ videtur constantia? Illi olim priscæ religionis Antistites, tyrannos adituri, & in ipso quasi Sathanæ sterquilinio Euangeliū prædicaturi, an villam vitæ suæ securitatem expetebant? Certe tantum abest, ut honestam eius perdenda quæsierint occasionem. Sic igitur pro vnius Monachi saluo conductu publicæ expeditæ sunt & signatae litteræ; adiecta ista conditione, ut Lutherus in itinere neque concionaretur usquam nec scriberet; missusque est VVittebergam Imperialis caduceator, qui eum VVormatiam deduxit, comitantibus Iona Ecclesiæ VVittebergensis Præposito, D. Schurffio Jurisconsulto, & Amsdorffio, quem postea Lutherus primum & ultimum suam manu Episcopum consecravit, ut suo loco infra dicetur.

11. Ad hanc famam viæ passim & compita quamcumque iter faciebat Lutherus ingenti hominum multitudine Monachi huius (cucullo enim tunc adhuc indutus erat, quem Anno MDXXII. demum abiicit,) videndi desiderio accurrentium, complebantur. Ipse Lutherus curru iam modum lecticæ facto & umbroso uehebatur, non iam vt olim quando ad Legatū proficisci cebatur, pedibus suis inequitan. In diuersorijs multa propinatio, læta compotatio, Musices quoque gaudia, adeo ut Lutherus alicubi sonora testitudine ludens, omnia in se oculos conuerteret, velut Orpheus quidam aut Amphion, sed rarus adhuc & cucullatus, eoque mirabilior. Non hoc

H 2
a. Bzouius in Annal. An. 1521.

ornata

ornatu Fr. Thomas de quo supra, virtute reprehendendo & rebus lione Lutheri praedicendo, varias regiones obiens, incessit vili asino, vestitu duro & alpero, pera denique, in qua omnis eius erat suppellex, contentus. Quamuis autem ea lege saluum conductum Cæsar ei dedisset, ut in itinere nullibi concionaretur aut scriberet: Erfordia tamen Dominica in Albis, contra Peregrinationes religionis ergo, Vota, & alios Catholicae Ecclesie ritus publice praedicauit: Gaspare Sturmio caduceatore coniiente, & sedulo omnia quibus Lutherum oblectare posset, prouidente. Certe Lutherum data fides iure quam optimo reuocari poruisset, ut qui prior legem sibi prescriptam violasset. Qui enim contra legem delinquit, eius beneficio indignus est. Sed cum caduceator ille fidem & Ecclesiastiam proderet, Deus suæ sponsæ deesse monendo noluit, nam templum, in quo Lutherus concionabatur ruinam minari visum fuit, cum terribili cōsternatione erumpere conantum, ut Dresserus, eiusdem cum Lutheru opinionis, testatur testis oculatus.

III. Venit ergo Wormatiā, hoc modo & hoc comitatu quem diximus Lutherus, die xvi. Aprilis Anno MDXXI. cum pridie nempe i. Aprilis Parisijs Lutheri libri fuissent damnati. (a) Et ad Imperatorem introductus, ac humaniter, ne terrorem caussari posset, receptus 17. Aprili monitus is tunc fuit, ut omisis ambagibus, ad quæ sita tantum responderet. Tum Eccius virtutem Theologiae quam Iurisprudentia peritissimus, Treurensis Archiepiscopi Officialis, Cæsaris nomine Lutherum primo Latine, deinde ut ab omnibus intelligi posset, Germanice rogauit, utrum libros hactenus sub ipsius nomine vulgaris pro suis haberet, & quod in iis continetur defendere veller. Tum Lutherus simulause Imperialis illius Majestatis intuitu percussum, vel potius sua ipsius conscientia perturbatus, aliquantulum obmutuit: deinde paullum recollecto animo, libros suos titulo tenus recitatos agnouit & nonquam abnegaturum dixit: verum quum defensio eorum vel reuocatio, quæ ijs continentur resitanti momenti, spacium deliberandi petere. Ad hæc Eccius: *Etsi in Martine, ex mandato Cæsaris satis intelligere potuisti ad quid accersitus sis, ea que de causa indignus cui longior cogitandi mora detur: Cæsare a tamen Majestas ex innata sibi clementia diem unum indulget meditationi tuae, ut cras ad eandem horam hic compareas, ea conditione scripto sententiam tuam proposonas, ed ore exsequaris. Observet hic Lector:*

Lutheru fuisse catalogum librorum suorum exhibitam, inter quos & ille fuit De captivitate Babylonica agnitus. quem Dux Lutheri esse negarat, ut vel hinc appareat in ordinatus & cæcus Friderici Electoris affectus in causa Lutheri. Postero die 18. Aprilis ad constitutorum horam reductus Lutherus, videns se in tam illustri cœtu stantem quirantheac in monasterio educatus fuerat, quasi pudore suffusus (qui tam in eius fronte numquam, sed potius summa temeritas & audacia domicilium habuit) rogauit Imperatorem ac Principes, ut si vel verbis vel moribustam illustri confessu parum dignis viceretur, id sibi ac vitæ generi in quo meliorem ætatis patrem consumpsisset, condonarent. Deinde longam ac prolixam orationem Latinam lingua exorsus est, vnde ad Auditorum fauorem sibi conciliandum conquistis Rhetoricis coloribus distinctam; iam blandiens Principibus, iam terrens scripturatum exemplis, de Regibus Ægypti, Babylonis & Israel, longè admodum peccatis. Produco hoc modo, & quidem extra lineam, ut dicitur, in duasferre horas sermone, Eccius qui è vultu Imperatoris & Principum molestiam quam è tam longa hauirent oratione perceperat, interpellans: *satis, inquit, Luther, verborum est. Nihil attinet Casarū ac Principum animos tam prolixa oratione fatigare. Ad hoc tantum quod heri ex te quæsum fuit, simpliciter responde.* Tum Lutherus: *Nisi convictus fuerit testimonis scripturarum auctoratione evidentiæ (nam neque Papæ neque Concilii solis credo, quum constet ea errasse sepius, & sibi ipsius contradixisse) reuocare neque possum neque volo quidquam.* Deinde distinctionem librorum a se conscriptorum fecit, seque veritatem uti eam è S. scriptura hauserat, docuisse præfakte contendit, obiecto omnibus hæreticis, qui ante fuerunt, visitato clypeo: protestans, se minime contumacem futurum, sed errores suos ipsum damnaturum, si quid cum verbo Dei pugnans docuisse foret convictus. Et quemadmodum Oracula dæmoniorum ambiguis olim verbis concepta erant, ut varia ac multiplici explicatione ad quemcumque eventum trahi possent: sic Lutherus ad quæstiones sibi ab Eccio propositas aperte numquam respondere voluit, ut scilicet vndeque effugium haberet. Hoc quippe in Artii schola didicerat, qui quanto magis urgebatur, tanto magis animi sensus ambiguitate velabat,

a. Authores apud Vlenbergium citati: in vita Lutheri.